

Imaqarniliaq

Inuit innarluutillit pillugit Siunnersuisoqatigiit
ataatsimiinnerannit

Ataatsimiinneq ingerlanneqarpoq pingasunngorneq ulloq 23. oktobari 2024, nal. 15:00

Suliffeqarnermut Isumaginninnermullu Ataatsimiititap ataatsimiittarfia
Imaneq 34, 2. sal

Ilaasortat

Karin Pedersen Thorsen (Siulittaasoq)	Inooqammi siulersuisunut ilaasortaq
Inuttaqanngilaq (Siulittaasup tullia)	Nunatsinni Autismertut Peqatigiiffiat
Lisa Nielsen	Kalaallit Nunaanni Tusilartut Kattuffiat KTK-mi siulittaasoq
Nina Møller	Sugisami siulersuisut siulittaasuat
Inge Olsvig Brandt	Kommunalbestyrelsimi ilaasortaq
Mathias Knude Brusgaard	Inunnut innarluutilinnut tarnimikkullu nappaatilinnut Immikkoortortaqaqarfimmi fagcheffi
Susanne Frandsen	Meeqqanut Ilaqutariinnullu Ingerlatsivimmi fagcheffi
Riikki Grønvold	Atuarfinnut immikkoortortami fagcheffi

Taaseqataasinnaanatik
ataatsimeeqataasartut

Naja Anelouise Heilmann	Inuit innarluutillit pillugit Siunnersuisoqatigiinni allatsi
Vivi Christiansen	Innersuussisarfimmi Suleqatigiinnut aqutsisoq
Nuunu Josefsen	Inunnik innarluutilinnik sullissisunut inunnullu innarluutilinnut ataqatigiissaarisartoqatigiinnut immikkoortortami aqutsisoq

Peqataasinnaanatik nalunaartut: Inge Olsvig Brandt, Mathias Knude Brusgaard, Susanne Frandsen

Sags id: EMN-2021-11568

Imarisai

1.	Oqaluuserisassat akuerineqarneri.....	3
2.	Oqaluuserisassat ilisimatitsissutit aalajangiiffigisassallu.....	3
2.1	Siulittaasup tulliaata tunuarnera siulittaasullu tullianik nutaamik qinersineq	3
2.2	Inuit innarluutillit pillugit Siunnersuisoqatigiinni ilaasortat allanngornerat	3
2.3	Ilaasortaanermik sivitsuineq.....	3
2.4	Ataatsimiititamik ukiumoortumik ataatsimeeqateqarnissamut piareersarnek.....	4
2.5	Inunnik innarluutilinnik 0 - 18-inut ukiulinnik sullissinermi aaqqissuussaannerup allanngortinnera pillugu ilisimatitsissut	4
3.	Taasariaqartut allat.....	5



1. Oqaluuserisassat akuerineqarneri

Akuerineqarput.

2. Oqaluuserisassat ilisimatitsissutit aalajangiiffigisassallu

2.1 Siulittaasup tulliaa tunuarnera siulittaasullu tullianik nutaamik qinersineq

Siulittaasup tullia, Arnajaaq Lyngé, inuit innarluutillit pillugit sulianik toqqaannartumik suliaqartuujunnaarnini pissutigalugu, ulloq 30. septembari 2024-mi Inuit innarluutillit pillugit Siunnersuisoqatigiinniit tunuarniutini allakkatigut nalunaarutigaa. Autismertut Peqatigiiffiat attaveqarfigineqarpoq, nalunaarpullu siunnersuisoqatigiinni nutaamik aallartitaateqarsinnaanerit pillugu saaffiginnissummut akissuteqarniarlutik piaarnerpaamik nalunaarumaarlutik.

Siulittaasup tulliaa tunuarnera tunngavigalugu Inuit innarluutillit pillugit Siunnersuisoqatigiit nutaamik siulittaasup tullianik qinersisoqassanersoq aalajangiisoqassaaq.

Autismertut Peqatigiiffiat Inuit innarluutillit pillugit Siunnersuisoqatigiinni sulinertik ingerlatiinnarumallugu ataatsimiinnermi paasissutissiissutigineqarpoq. Autismertut Peqatigiiffianit aallartitaq nutaaq aallartissimaleriarpit siulittaasup tullianik qinersineq ataatsimiinnerup tulliani pissasoq siunnersuisoqatigiinniit aalajangiunneqarpoq.

2.2 Inuit innarluutillit pillugit Siunnersuisoqatigiinni ilaasortat allanngornerat

Vivi Anne Christiansen, Ilaqutariinnut immikkoortortami aqutsisusoq nalunaarpoq, Inuit innarluutillit pillugit Siunnersuisoqatigiinniit tunuarniarluni. Meeqqanut Ilaqutariinnullu Ingerlatsivimmi fagchefiusoq, Susanne Frandsen, taartigissagaani siunnersuuteqarpoq erseqqissaatigalugulu Susannep peqataasarnera fagchefinut allanut naleqqiullugu naapertuutissasoq. Vivi Anne pisariaqartinneqalissagalaruni taartaasussatut atuunnissaminut neqeroorpoq.

Ilaasortat allanngornerat akuersissutigineqassanersoq siunnersuisoqatigiinniit isummerfigineqassaaq.

Ilisimatitsissut siunnersuisoqatigiinniit tusaatissatut tiguneqarpoq Vivi Christiansenip oqaaseqaatai ilanngullugit, tassa Susanne Frandsen ataatsimeeqataasinnaanngitsoq taamaattumik Vivi Christiansen taartaasutut peqataavoq.

2.3 Ilaasortaanermik sivitsuineq

Suliffeqarnermut Isumaginninnermullu Ingerlatsivimmit Inuit innarluutillit pillugit Siunnersuisoqatigiinni ilaasortat inuit innarluutillit pillugit inatsisip atuutsilernissaata tungaanut ilaasortaanerminnik sivitsuinissaq soqutigineraat paasineqarumavoq. Taanna 2025-mi kommunimut qinersinerup kingorna ukiup affaa tikillugu sivisussuseqarsinnaavoq. Sivitsuinermit piffissami sivikitsuinnarmi ilaasortasussanik qinersisoqannginnissaa siunertaavoq.

Siunnersuisoqatigiit atuuffiata sivisussusia nalinginnaasumik qinersiviup sivisussusaanut naapertuuppoq, kisianni Inuit innarluutillit pillugit inatsimmut atasumik allannguutaajumaartussaq siunnersuisoqatigiinni ilaasortat katitigaanerisa aqqiissuteqarfigineqarnissaannik nassataqarpoq. Taamaattumik ilaasortat ilaasortaanermik sivitsorneqarnissaa kissaatigunikku novembarip ulluisa aallaqqaat 2024 tikitsinnagu allakkatigut nalunaaruteqarnissaannik qinnuigineqarput.



Inuit innarluutillit pillugit inatsit atuutilerpat (ullussaa ilisimaneqanngilaq), ilaasortanik nutaanik qinersisoqassaaq.

Inuit innarluutillit pillugit Siunnersuisoqatigiit inatsisip atuutilersinneqarnissaata tungaanut ingerlaannarnissartik aalajangiusimavaat.

2.4 Ataatsimiititamik ukiumoortumik ataatsimeeqateqarnissamut piareersarneq

Kommuneqarfiup Allaffiani 3. decembari 2024-mi nal. 13:00 - 14:00 Suliffeqarnermut Isumaginninnermullu Ataatsimiititamik ukiumoortumik ataatsimeeqateqarnissamut piareersarnermut atatillugu, Mathias Knude Brugsgaard killiffimmik nalunaarusiamut siunnersuusiortoq. Killiffimmik nalunaarusiamut siunnersuut siunnersuisoqatigiinni ilaasortat misissuataassagaat qinnuigineqarput.

Aggersaaneq Inuit Innarluutillit pillugit Siunnersuisoqatigiinnut ileqqoreqqusaq naapertorlugu pivoq, § 6-imi ima allassimavoq:

"Suleqatigiinneq oqaloqatigiinnerlu

§ 6 Isumaginninnermut Suliffeqarnermullu Ataatsimiititaq Innarluutillit pillugit siunnersuisoqatigiinnik ukiumoortumik killiffissioqatigiinnissamut ataatsimiigiaqqusisassaaq.

Qulequttat siunnersuisoqatigiinnit ataatsimiititamut saqqummiukkusutaat allakkatigut siunnersuisoqatigiit allattaanut killiffimmik nalunaarusiamut oqaaseqaateqassappat taakku ilanngullugit kingusinnerpaamik 12. novembarip 2024-mi nassuteqquneqarput.

Killiffimmik nalunaarusiamut siunnersuut siunnersuisoqatigiinnit tusaatissatut tiguneqarpoq, ilaasortaasullu killiffimmik nalunaarusiamut kiisalu ataatsimiititamik ataatsimeeqateqarnermi immikkoortumut siunnersuut eqqartoqquneqartumut oqaaseqaatinik nassiussisinnaapput, ajornanngippat kingusinnerpaamik 12. novembari 2024.

Ataatsimiititamik ataatsimeeqateqarnissamut piareersarnissaq eqikkaanissarlu kiisalu saqqummiussassat qanoq aaqqissuunneqassasut siunertaralugit, siunnersuisoqatigiit aalajangerput tallimannorneq 15. novembari 2024-mi nal. 15:00 naapeqqinniarlutik.

Ilanngussat

1. Inuit innarluutillit pillugit Siunnersuisoqatigiit killiffimmik nalunaarusiaat 2024

2.5 Inunnik innarluutilinnik 0 - 18-inut ukiulinnik sullissinermi aaqqissuusaanerup allanngortinnera pillugu ilisimatitsissut

Meeqqanik inuusuttunillu innarluutilinnik sullissinerup akisussaaffigilerneranut atatillugu Inunnut innarluutilinnut Tarnimikkullu nappaatilinnut immikkoortortami eqqumaffigisassaattut suut pingartinneqassanersut pillugit Inuit innarluutillit pillugit Siunnersuisoqatigiit siunnersuusiqquneqarput.

Pisortaqatigiit aalajangerpaat aaqqissuusaanerup allanngortinneqarnera 1. novembari 2024-mi atuutilersoq, tassa 0 - 18-inut ukiulinnik sullissineq Inunnut innarluutilinnut Tarnimikkullu nappaatilinnut immikkoortortami tamarmi ataatsimoortinneqassasoq.

Aaqqissuusaanerup allanngortinneqarnerani periarfissarpassuit pitsaasut immikkoortortamit takuneqarsinnaapput akisussaaffiullu tiguneranut atatillugu suut immikkut eqqumaffigisassanersut Inuit innarluutillit pillugit Siunnersuisoqatigiit innersuussutaannik tusarusupput.

Nuunu Josefsen, inunnik innarluutilinnik sullissisunut inunnnullu innarluutilinnut ataqatigiissaarisartoqatigiinnut immikkoortortami aqutsisoq, Inunnut innarluutilinnut Tarnimikkullu nappaatilinnut immikkoortortami suliaassat aaqqissuussaannermilu allannguutit pillugit ataatsimiinnermi saqqummiivoq. Suliniuteqarfissat pingaarutillit, soorlu innuttaasunik piginnaasakitsunik sullissineq ikorfartuinerlu pillugit nassuiaavoq, matumani iliuusissatut pilersaarutininik immersuinerit atugarissaarnernik malitseqartitsinerit ilanngullugit.

Saqqummiinermittaaq suleriaatsini piareersaanerit torersaanerillu, pingaartumik Tasiilami Paamiunilu ingerlanneqartut kiisalu innuttaasut atugarissaarnerannik inissisimaffiinillu sulinermi sulisut ineriartortinneqarnissaat pitsaassutsillu pitsanngorsarnissaat immikkoortortami ukkatarineqartut qitiutinneqarput. Innuttaasut kissaataat pisinnaatitaaffilu pingaartinneqarput, ilaatigut ulluinnarni namminersulernissaannut isumaqarluartumillu ulloqarnissaannut pisariaqartitaannik ikorfartorneqarnissaat qulakkeerniarlugu tamakkiisumik isiginnessinnaaneq ataqatigiissaarinerlu sakkussaasut qitiusutut isigineqarlutik.

Nuunu Josefsenip saqqummiineranut siunnersuisoqatigiit qujapput innersuussutigalugulu inuusuttut 12-iniit 18-inut ukiullit sunngiffimmi sammisassaqaartitsinissamut neqeroorutit qulakkeerniarlugit siunnerfilimmik sulinerat ingerlatiinnarneqassasoq.

Kammagiinni sammisassaqaartitsinermut neqeroorutit atorneqarpianginnerannut peqqutaasut pillugit Inunnut innarluutilinnut Tarnimikkullu nappaatilinnut immikkoortortami fagchefti saqqummiussinissaanut Inuit innarluutillit pillugit Siunnersuisoqatigiit ataatsimiinnerannut aggersaqquneqarpoq.

3. Taasariaqartut allat

Inuit innarluutillit pillugit Siunnersuisoqatigiinni ilaasortaq, Inge Olsvig Brandt, ataatsimiinnermi ajorluartumik peqataasinnaasimanngilaq ulloq taanna ataatsimiititap angalanerani peqataagami. Inuit innarluutillit pillugit Siunnersuisoqatigiinni ilaasortaq, Mathias Knude Brugsgaard, nalunaarpoq ataatsimeeqataasinnaanani suliffimminiinnginnini peqqutigalugu.

Inuit innarluutillit pillugit Siunnersuisoqatigiinni siulittaasoq ataatsimiinnermi ilisimatitsivoq ataatsimiititamik ukiumoortumik ataatsimeeqateqarnissami peqataasinnaanani ilaatigut 2024-mi novembarip 29-anniit decembarip arfineq-aappaat ilanngullugu angalasussaagami.